

樞垣記畧

元



03211

道光五年冬日

樞垣記略

長白玉麟題

序

自雍正年間仿唐宋樞密院之規設立辦理

軍機處職掌

之要冠於朝端領之者皆親近重臣世稱之為樞長而其

員亦極才望之選非其人不足以當之嘉慶年間余同年

父榮蔭林以儀部郎考選第一從事其間有殿中無雙之

名 榮小峴侍郎文以謂其人

而自軍機來者其衣冠言貌一望可識此固有所指而言

之然今之能雪斯言者亦鮮矣以君之器識固萬不出此

然但以旅進旅退畢乃事乎今各部院寺監皆有專書以

樞垣記畧

序

垂於後軍機之設已百十年未聞有能纂成一帙者不可

謂非缺典也君能無意於是乎蔭林為余言嘗讀 四庫

全書提要謂

欽定歷代職官表中其兼官無正員而所掌綦重如軍機

處之類別有專表以崇職守云云今 武英殿所刊布此

書編緝之則實無專表不知何故惟新修 大清會典中

有軍機處一門但詳規制而於緣起源流亦未之及故成

書綦難余曰惟其如是此纂輯之所以愈不可緩也無何

而蔭林換外職出樞直蹤跡濶疎者數年今秋蔭林奉

旨起家北行舟過寶應則出示所纂樞垣記畧十六卷粲然成編並索余一言余窮日夜讀之既擴我見聞且喜蒞林之敏於撰述而復義例詳明摭拾周備闡前修所未開之境成內直所必需之書釐然爲掌故所存隱然爲法戒所繫乃知蒞林之爲此書是真能以人重官而迥異於以官重人者也聞蒞林此編最難著手者爲滿漢大臣題名一卷滿章京題名一卷漢章京題名一卷皆前無所承而創爲之蓋勾稽載籍諮訪故老而證以方畧館冊櫝孳孳矻矻多得之夜直官燭之餘可謂勤且篤矣近吳伯新太

樞垣記畧

序

二

常所刊軍機題名錄卽用蒞林之稿本第不知何以但錄章京而遺樞長又蒞林之書以道光二年春出直而止近聞有續輯二年夏以後題名之舉惜此外各門尙未聞有議續編者殆將俟蒞林重入春明爲之料理乎余固拭目俟之矣遂書以爲之序云

道光十五年八月年愚弟朱士彥撰

自雍正庚戌設立軍機處迨茲九十餘年綱舉目張人才輩出而載稽故實尙缺成書章鉅於嘉慶戊寅選充章京僚直餘閒繙閱舊檔輒思輯爲一書隨筆甄綜日有所積至道光壬午春季奉

命守郡匆匆出直此後遂無由再綴一詞因思五年以來手不停披在方略館宿直時常徹夜爲之或屢代人夜直爲之以用力之勤竊喜稍存梗概因於簿書之隙重加勸彙閱月而成編爲門七爲卷十有六卷首恭錄

訓諭次列

樞垣記畧

敘

除授又次紀

恩敘又次詳規制又次攷題名而以詩文及雜記附末適補章鉅缺入直者爲李侍讀彥章因以稿本寄之拾遺正誤又經年而稿還時章鉅已爲淮海監司遂付梓人書中良限仍以壬午春季爲斷俟好事者續增焉軍機處爲我朝政府攷官制者謂卽唐宋之樞密因題爲樞垣記略云道光癸未秋仲識於清江浦之以政學齋

誥授中憲大夫分巡江南淮海河務兵備道前軍機章京

臣梁章鉅

樞垣記畧卷之一

誥授中憲大夫分巡江南淮海河務



訓諭

乾隆十一年四月十二日

諭軍機處係機要重地凡事俱應慎密不容宣洩今乃有在京直隸江南浙江等處提塘串通軍機處寫字之人將不發抄之事件抄寄該省督撫者朕看此情節在提塘等微末之人不過以此博督撫之歡心在督撫亦樂其不時私遞得聞京師信息此皆淺陋之見且非始於今日朕已

樞垣記畧

卷一

一

將督撫等從寬免其查究但那蘇圖尹繼善陳大受魏定國常安等俱爲封疆大臣似此行私報密等事甚不光明若有見聞卽當據實查辦何得身蹈其事不能自檢尙得謂之正己率屬乎著密行傳諭申飭之

十二年二月初六日

諭軍機處係機密之地所交密議章奏本無宣洩其應交該部密議者嗣後俱交軍機處存記檔案交發部議其奏事處所奉密議事件著亦交軍機處記檔轉發

五月二十二日

諭朕令軍機大臣等寄信傳諭之旨有因地方應辦事務
經朕指示及傳諭詢問者亦有合該督撫等商酌辦理者
既未明發諭旨理宜慎密嗣後諸臣面奏摺內如不交部
議者仍聽其引入原旨若係應交部議之案概不必將寄
信之處敘入另行具摺聲明至其題本章尤爲不可俟伊
等奏摺之便傳諭知之

十三年十一月 日

諭經畧大學士起身以後軍機處所辦事件多不能愜意
卽如今日議覆山東請運奉天米石一摺阿蘭泰近日曾

樞垣記畧

卷一

二

以該處收成止有七分未便大弛海禁致妨本地民食具
奏而軍機大臣竟無一人記憶者經朕指示始查檢入議
其餘脫漏之處一一須朕訓諭雖經改正而朕心則已過
勞較之經畧大學士在京時諸事周詳妥協不致煩費朕
心者實已大相徑庭矣此等處訥親向日尙能辦理得宜
由是觀之向日朕加恩任用自不爲過惟因貽誤軍國重
務大負朕恩不得不重治其罪亦出之大公至正但從前
當大學士鄂爾泰在之時朕培養陶成一訥親訥親在之
時朕培養陶成一經畧大學士傅恒皆幾經教導幾經歷

練而後及此人材難得固非一朝一夕所能造就今經畧
大學士前往軍營朕實向大學士一人是問並未豫留此
心於大臣中培養陶成以爲接辦之人是以辦理諸務數
日之間已不能不時縈朕念軍旅固關緊要第金川不過
一隅視機務孰爲重大且朕躬豈宜過勞經畧大學士到
彼蕩平勒烏圍刮耳崖卽應遵照前旨飛報大捷其莎羅
奔狼卡擒獲獻俘固善縱或免脫潛逃祇須留兵搜捕一
切應辦事宜或交傅爾丹或交岳鍾琪若策楞到彼或交
策楞班第等經畧大學士酌量分布妥協於奏捷後四五
日內卽當馳赴闕廷贊襄左右不必待奏到奉有諭旨方
行旋師矣此旨必應遵

十四年十一月十三日

諭朕許大學士張廷玉原官致仕且允配享

太廟之請乃張廷玉具摺謝恩詞稱泥首闕廷並不親至
第令伊子張若澄代奏因命軍機大臣傳寫諭旨令其明
白回奏而今日黎明張廷玉卽來內廷此必軍機處泄漏
消息之故不然今日既可來何以昨日不來此不待問而
可知者矣昨朕命寫諭旨時大學士傅恒及汪由敦二人

承旨而汪由敦免冠叩首奏稱張廷玉蒙聖恩曲加體恤終始矜全若明發諭旨則張廷玉罪將無可逭此已見師生捨身相爲之私情及觀今日張廷玉之早來則其情顯然軍機重地顧師生而不顧公義身爲大臣豈應出此

十五年五月十四日

諭向來軍機處交出公文簽發馬上飛遞者定限日行三百里遇有最緊要事件始以日行六百里字樣加簽公文緩急既有不同則遞送遲延處分亦當分別差等乃吏部議處此等案件不按二百里六百里之分但查核時刻逾

樞垣記畧

卷一

四

違俱照扣關公文例議以降一級調用比例殊未允協現干例議積案甚多著量加區別除沈匿軍情機密事件仍照驛站舊例議處外其軍機交出尋常緊要事件限日行六百里者倘有逾限准照扣關例議處若係軍機處常行事件限馬上飛遞日行三百里者逾限之處照公文遲延例著爲令再軍機處發遞公文原係酌量事件以定程期嗣後非遇緊急最要事件亦不得以日行六百里簽發

二十三年十二月

日

諭袁日修與鹽商牛兆泰係屬姻親寄書可也而使鹽道

之婿持書寄鹽商雖無囑託之言明有囑託之意軍機行走之人尤當以慎密防閑爲要此何爲者耶襄曰修不必在軍機處行走

二十六年三月初七日

旨吏部議睦朝棟照溺職例革職一本所以留中不發者朕意以爲若總裁大員中查無應行迴避之人則該御史所奏不過博一時虛譽其罪尙屬可原今據知貢舉熊學鵬查奏應行迴避士子有總裁劉統勳之胞弟胞姪二人于敏中之堂姪一人劉統勳等既係軍機大臣而睦朝棟

樞垣記畧

卷一

五

現係軍機處行走之員此次劉統勳于敏中二人不令隨駕外間已揣其預典試事而軍機處之人固不待言矣況朕向劉統勳等曾面諭及之睦朝棟豈有不知之理則其所奏顯屬迎合上官此風斷不可長前明師生堂屬黨援門戶之弊往往假公濟私害及朝政最爲言路惡習我皇考十三年以來大加整頓風紀肅清朕臨御二十有六年於臺垣章疏苟有一二可採者未嘗不見之施行若其意有所屬瞻顧狗私者亦斷難逃洞鑒睦朝棟何人而敢以此等伎倆巧爲嘗試乎此在諸科道尙屬不可況該御

史之在軍機行走者乎今歲恩科會試已屬格外曠典臣子得與文衡已可云寵榮逾分而更欲爲宗戚倖中是於不知足之中又加甚焉號稱讀書者宜如是乎於政體官方士習均有關係眚朝棟革職不足蔽其辜著拿交刑部治罪

二十八年九月初十日

諭御史戈濤奏稱所奏事件未經領到原摺而刑部業已紛傳必係刑部司員之在軍機者預爲透漏一摺當交軍機大臣查奏今據軍機大臣查明戈濤條陳二摺俱係發樞垣記畧

卷一

六

交刑部辦理事件卽於本日傳鈔隨本報發回硃批原摺向應存貯軍機處年底彙繳例不給還等語此事原屬照例辦理尙無透漏之處戈濤以未接到硃批原摺故爲此奏但軍機司員向於本部掌官及相好戚友中預通消息亦不能保其必無從前卽曾有因此獲罪者該司員等益當痛加儆戒不得因此次查無情弊遂罔知顧忌設將來果有徇私洩漏等事一經查出必嚴加懲治決不稍爲寬貸也

三十年閏二月二十六日

諭向來軍機大臣寄信諭旨該督等覆奏時止稱接准廷寄並不書寫承旨銜名於體制殊未允協嗣後各省督撫等接准軍機大臣遵旨寄信傳諭有應具摺覆奏者俱著將寄信內所開承旨人名一一開寫不得但稱廷寄及軍機處字樣可於奏事之便傳諭各督撫一體通傳應行奏事之各該衙門遵照

三十一年四月十一日

諭前據常鈞條奏外省奏摺交兵部鈐用印信以昭慎重經部議覆准行但印信存貯部署往返鈐用日費馬力殊屬煩瑣且交發奏摺卽係原贖差弁祇領向來亦未聞有滋弊之事嗣後該部預將印花存貯軍機處備用所有臨時鈐印之處不必行

四十一年九月十八日

諭戶部堂官在內廷行走者多該部事務殷繁不可無人坐辦袁守侗雖在軍機處行走著每日到署專辦戶部事務遇朕至圓明園之日不必隨往其豐昇額福康安梁國治和珅並著每日輪流一人到署辦事

四十九年 月 日

諭各省督撫年終彙奏事件向由軍機處將有無遲延遺漏查明具奏原以專責成而重考覈但該督撫等奏報發抄後各部院不過照常彙題存案備查而軍機處名爲彙總實不過循例奏明仍屬具文於覈實辦公之道均屬未協卽如各省拏獲命盜各案已未結數目及盜竊案已未緝獲記功記過各欸該督撫等均於年終彙奏一次此等案件如果事隔數十年實在無從督緝竟應查明酌與開除以清塵案其餘未結未獲各欸自應分別定以處分庶承緝之員自顧考成俱知上緊辦理依限完結而督撫等樞垣記畧

卷一

八

亦不能以一奏了事嗣後各督撫年終彙奏各項均著各部院衙門詳悉查覈彙送軍機處覆加考覈於三月間彙齊辦理具奏如各該部有疎忽遺漏軍機處又不能詳加覈正經朕看出惟軍機大臣是問

五十六年十月二十四日

諭國初以來設立議政王大臣彼時因有議政處是以特派王大臣承充辦理自雍正年間設立軍機處之後皆係軍機大臣每日召對承旨遵辦而滿洲大學士尙書尙例俱兼虛銜並無應辦之事殊屬有名無實朕向來辦事祇

崇實政所有議政空銜著不必兼充嗣後該部亦無庸奏請

五十九年二月二十六日

諭昨據福康安等查審吉林辦理參務虧缺庫項勒派民戶一案分別定擬具奏福康安與恒秀誼屬姑表弟兄有心徇庇從寬定擬希圖含混了事經朕看出詳細指斥卽令軍機大臣繕寫飭諭而軍機大臣亦復意存瞻顧遷延觀望並未卽日擬旨進呈現距歸政之期尙有二年朕一日臨御卽一日倍加兢業豈容大臣顛預從事可桂和珅樞垣記畧

卷一

九

王杰福長安董誥俱著交部議處

嘉慶四年正月初八日

諭各部院衙門文武大臣各直省督撫藩臬凡有奏事之責者及軍營帶兵大臣等嗣後陳奏事件俱應直達朕前不許另有副封關會軍機處各部院文武大臣亦不得將所奏之事預先告知軍機大臣卽如各部院衙門奏章呈遞後朕可卽行召見面爲商酌各交該衙門辦理不關軍機大臣指示也何得豫行宣露致啓通同扶飾之弊卽將此通諭知之

十九日

諭從前和珅意圖專擅用印文傳知各省抄送摺稿因此帶有投遞軍機處另封事件業經降旨飭禁並隨摺批諭今和珅業經伏法所有隨帶文書當永遠停止倘經此番飭禁之後尙有仍蹈前轍者必當重治其罪決不姑貸

七年二月二十四日

諭御史王甯焯奏請重軍機大臣責成以肅綸言一摺自雍正年間初設軍機處於大學士各部院尙書侍郎中遴派數人在內行走本爲籌辦軍務而各直省寄信事件以

樞垣記畧

卷一

十

及在京各衙門遇有應降諭旨勢不能紛紛令羣工承繕是以俱由軍機處擬寫交發令事有統彙以昭畫一是軍機大臣承旨書諭並非將臣工翊贊之職盡責之此數人也內外滿漢大臣俱經朕特加擢用誰不宜盡心匡弼必責之軍機大臣則其權過重若承奉諭旨之事軍機大臣得以力阻不行則外人又將以攬權指摘矣况我朝

列聖相承乾綱獨攬

皇考高宗純皇帝臨御六十年於一切

綸音宣布無非斷自

宸衷從不令臣下阻撓國是卽朕親政以來辦理庶務悉遵

皇考遺訓雖虛懷延納博采羣言而至用人行政令出惟行大權從無旁落朕初閱該御史所奏以爲必有指陳時務臚舉切要者及詳閱摺內乃專指上年停止前往盛京一節調

陵展敬爲登極後應行大典朕彼時明降諭旨於六年秋孟啓行事關體制豈臣下所可阻止嗣因御史沈琨張鵬展等以軍務未竣懇請展期交王大臣等會同妥議以爲樞垣記畧

卷一

十一

應如所請是以降旨暫行停止卽上年春間曾有旨巡幸木蘭後因夏間雨水過多亦停止秋獮此皆朕臨期酌度豈軍機大臣能於春間卽逆料夏雨情形預爲阻止耶至該御史稱鑾輅所經地方官早爲備辦永平一帶糜費已多不能開銷等語調

陵諭旨係五年十一月初二日頒發至六年正月二十日降旨停止爲時無幾且距七月啓鑾之期又遠地方官有何預辦不能開銷之處乎至該御史所奏前諭已發復行改擬不敬於先遂致不信於後等語試思前史所稱爲詔

合不信者如恩旨已降或應行蠲貸而實未均霑或業已
豁除而仍行科斂我國家曾有此等事乎至於明發諭旨
有經朕再四思維尙有未盡周妥之處或臣工陳奏未便
因而復行停止者此正欲事臻盡善故不厭反覆精詳若
必迴護前旨固執已見勢將文過飾非蹈言莫予違之習
豈古帝王從善如轉圜之道乎又所稱軍機大臣昧於大
體不當僅於語句筆畫小誤始行自請議處所論亦屬非
是膽寫諭旨雖係章京之責但軍機大臣於進呈事件理
當敬謹校核既有錯誤自應請議况朕亦時加寬免何嘗
僅於細務加之責備耶王甯焯所奏謬妄原摺著擲還

樞垣記畧

卷一

三

六月二十四日

諭內閣本絲綸重地大學士均應常川到閣閱看本章其
中有在軍機處行走者每年春夏在圓明園之日居多散
直後勢難再令赴閣視事至在城之日偶值樞務稍簡朕
仍令其赴衙門辦事卽應閣部兼到若不在內廷行走之
大學士則票擬綸音是其專責豈可稍涉閒曠是以保甯
到京後雖兼領侍衛內大臣朕不令其在園居住以便赴
閣辦公無曠職守嗣後在軍機處行走之大學士值朕進

城諭令到衙門辦事時著先赴內閣再赴所管之部院衙門其不在內廷行走之大學士俱著常川到閣閱本以重綸扉而符體制

九年七月十八日

諭吳熊光自簡用湖廣總督以來朕卽聞其接待屬員過於嚴峻批稟事件往往措詞過當因其在軍機章京年久擬寫諭旨於訓飭之語習以爲常率意書寫文稟批答自有一定體制卽使屬員偶有過失亦應明白開導何至動遭呵斥竟與擬寫諭旨相似亦非體制若云該督曾在軍樞垣記畧

卷一

三

機行走則軍機章京中如勒保方維甸等亦俱行走有年簡放外任並未聞伊等于屬員批稟有似吳熊光措詞過當之處嗣後該督務須平心辦事不可仍前躁妄用副委任

又

諭昨日召見尙書德瑛詢以留京王大臣遇有陳奏事件何人繕辦據稱俱煩在京軍機章京辦理殊屬非是從前軍機大臣中有派令留京者是以該章京隨同辦事近年來留京王大臣並無軍機然俱有該管衙門其屬員中豈

無能辦章奏之人何必交軍機章京代爲辦理將應辦公事轉似煩情耶且與留京王大臣浹洽日久恐不免有探聽漏洩情事朕在藩邸時卽確有聞見嗣後留京王大臣著於宗人府及所管之部各派明白妥幹司員二三人承辦諸務以符體制

十年五月十九日

諭御史何元烺奏請酌改軍機處名目一摺據稱軍機處承辦一切事務與兵部之專司戎政者不同現在軍務久經告歲似應更改名目以紀偃武之隆等語軍機處名目

樞垣記畧

卷一

四

自雍正年間創設以來沿用已久一切承旨書諭及辦理各件皆關係機要此與前代所稱平章軍國重事相仿並非專指運籌決勝而言目今三省邪匪久已肅清大功告歲薄海內外共慶昇平又何必改易軍機二字始爲偃武卽如兵部專司戎政自周官分職以來相沿至今兵可百年不用不可一日不備現在內外旗營均有定制新疆西北兩路皆號軍營若如該御史所請勢必諱兵不言豈國家承平日久并古大司馬之職亦可不設乎何元烺率請改易舊章而不顧其言之紕繆所奏斷不可行原摺著擲

還

六月二十九日

諭昨日英和於己刻忽呈遞奏片密封朕親手拆看據稱本日劉權之戴衢亨均奉派進城驗看月官懇請晚膳後與慶桂董誥一同召見有面奏事件等語旋經召令伊三人進見據英和奏稱劉權之平日聲名本屬平常此次因軍機處行走章京內有中書筆帖式等官屆應行保奏之期先經慶桂等會商將內閣典籍齊嘉紹中書蔡炯刑部筆帖式武爾通阿三員奏陞主事劉權之以內閣中書袁樞垣記畧

卷一

五

煦亦應列入並稱袁煦係伊房師紀昀之婿紀昀在日曾經託過經慶桂等阻止劉權之遂不肯列銜具奏等語軍機章京等趨直當差屆應行保奏之時軍機大臣等自當查照成案核明章京等行走年月及平日當差之勤慎與否和衷商確秉公保奏今劉權之以中書袁煦爲伊房師紀昀之婿聲言欲一併列入實屬瞻徇本不成話昨詢之慶桂董誥均稱劉權之實有此語今日面詢劉權之亦據自認屬實是明係瞻徇私情罔顧公議矣其錯謬固不待言彼時英和旣以劉權之之言爲非卽應向慶桂董誥戴衢

亨三人會同商議據實奏如慶桂等或有瞻顧劉權之處卽當一併叅劾乃乘劉權之戴衢亨進城之際輒行奏請見面雖稱請與慶桂董誥一同召見其實慶桂董誥二人並未知有此密奏則與獨請自對何異伊面奏此事現已停止懇求不必詢問劉權之尋事退出軍機此言實屬狂妄膽大從前和珅雖惡阿桂尙不敢公然出此言今英和後生新進學習辦事之人竟敢出此悖理之言若不及早懲治恐將來又出大案矣此事著派和甯朱珪祿康恭阿拉明亮鄒炳泰英善王懿修會同查辦將劉權之嚴

樞垣記畧

卷一

去

加議處英和議處並將此次軍機處現擬保奏齊嘉紹等是否與例案相符一併查明具奏劉權之著先革去太子少保英和亦著革去太子少保拔去花翎退出南書房伊二人俱不必在軍機處行走聽候議處中書袁煦亦著退出軍機處

十一年 月 日

諭軍機處司員自雍正年間定制以來均係以本衙門額缺承辦軍機處事務其陞遷保舉悉由本衙門堂官註考相沿已久若以計典獨歸之軍機處更定官制事多格礙

惟軍機司員內其辦事勤慎又能兼部務者自當列之上
考其祇在軍機處行走而於部務未能諳習者本衙門堂
官不得意存遷就濫行保薦軍機大臣尤不得授意各部
院堂官扶同薦舉以昭公慎

十四年十二月初六日

諭戶部議奏摺內將軍機處拍寫殊屬不合軍機處體制
與部院衙門無異向來奏摺內從無拍寫之例此時軍機
大臣奉公守法和衷辦事何用汝輩諂諛尊奉鄂雲布何
不曉事若此著飭行

樞垣記畧

卷一

七

十八年七月初十日

諭御史傅棠奏考試軍機章京請欽派大臣在舉場公所
將試卷彌封以昭慎重一摺軍機章京入直樞廷先取人
品端莊叅以文理清順字畫工楷方爲無媿厥職若如該
御史所奏糊名考試則但能觀其文字其人之才品何由
識別惟在軍機大臣秉公甄別期於得人自足以昭慎重
如充補後該章京有舞弊營私劣跡軍機大臣均難辭考
選不慎之咎至於各衙門保送人數亦應定以限制員缺
至多者不得過八員如逾額卽著軍機大臣叅奏此次內

閣保至三十二員未免太濫著駁回令該衙門大加刪減不得過七八員出具切實考語另行保送由軍機處考試揀選帶領引見嗣後軍機章京如有因濫保獲咎者其本衙門原保之堂官亦著一併議處

二十四年十月初四日

諭昨據吳璈等奏將馬營壩漫工勘定壩基及引沁入黃分繪二圖呈覽當即發下本日向軍機處查取交那彥寶閱看據軍機大臣覆奏係章京程同文攜回寓所當降旨令將程同文革職旋據自行查明程同文並未攜去係值樞垣記畧

卷一

六

宿章京何增元強逢泰因聞程同文有欲繪南北岸河圖之言誤行回稟原圖奏到時戴均元曾囑章京張允垂令將大壩口門及引河頭等處丈尺照錄一紙以備查考張允垂誤行會意輒攜回寓所照樣摹繪此事與程同文無涉著即將張允垂革職以示懲儆嗣後滿漢章京辦理公事總當在官言官毋得攜回私寓致干嚴懲戴均元雖曾告知章京照錄口門丈尺並未令其將圖攜回著改爲交部議處托津盧蔭溥文孚失於查察著改爲交部察議值宿章京何增元等未經詳查率以程同文攜回寓所之言

同堂復奏亦有不合何增元強逢泰俱著交部察議

樞垣記畧卷之一

卷一

九

樞垣記略卷之二

誥授中憲大夫分巡江南淮海河務兵備道前軍機章京_臣梁章鉅

除授一

軍機大臣

雍正十年二月

日

命大學士鄂爾泰張廷玉辦理軍機事務

十一年 月

日

命鑾儀使訥親在軍機處行走

又

命理藩院侍郎班第在軍機處行走

樞垣記畧

卷二

十三年十月十六日

旨徐本著在軍機處行走

謹案徐本時爲刑部尙書協辦大學士

乾隆二年十一月二十八日

諭昨莊親王等奏辭總理事務情詞懇切朕勉從所請但
目前西北兩路軍務尙未全竣且朕日理萬幾亦間有特
旨交出之事仍須就近承辦

皇考當日原派有辦理軍機大臣今仍著大學士鄂爾泰
張廷玉公訥親尙書海望侍郎納延泰班第辦理

六年正月十九日

旨班第著仍在軍機處行走

謹按班第於乾隆三年以理藩院侍郎出爲湖廣總督
於五年丁母憂回京

十年六月初九日

旨戶部侍郎傅恒著在軍機處行走

十月二十日

旨刑部尙書汪由敦著在軍機處行走

十一月十八日

樞垣記畧

卷二

二

旨高斌蔣溥俱著在軍機處行走海望精力亦不如前且
所辦事務繁多不必兼軍機處

又

命叅贊大臣馬蘭泰來京在辦理軍機處行走

十三年四月 日

旨戶部事務繁多尙書蔣溥著專辦部務不必兼軍機處
行走

九月二十八日

旨舒赫德著暫在軍機處行走

謹按舒赫德時爲戶部侍郎鑲紅旗漢軍都統是年冬
卽出叅贊四川軍務

三十日

旨大學士來保著在軍機處行走

十月 日

命吏部尙書協辦大學士陳大受在軍機處行走

十一月十九日

旨協辦大學士尙書尹繼善著在軍機處行走

十五年正月十八日

樞垣記畧

卷二

三

旨工部侍郎劉綸著在軍機處行走

四月初八日

旨刑部侍郎兆惠著在軍機處行走

十一月十七日

旨侍郎兆惠現有出差辦理事件舒赫德著仍在軍機處
行走

十七年九月二十四日

旨都統銜班第仍著在軍機處行走

十一月初七日

旨刑部尙書劉統勳著在軍機處行走

十九年五月 日

旨雅爾哈善著仍署戶部侍郎在軍機處行走

二十一年四月十七日

旨大學士傅恆派往軍營軍機大臣較少著尙書阿里衮
暫在軍機處行走

謹按阿里衮於二十年五月授戶部尙書踰年五月以
領隊大臣出赴西路軍營

二十六日

樞垣記畧

卷二

四

旨侍郎雅爾哈善劉綸俱著回部辦事不必兼軍機處行
走侍郎裘曰修著在軍機處行走

八月初七日

旨工部侍郎夢麟著在軍機處學習行走

二十三年正月二十五日

旨吏部侍郎三泰戶部侍郎劉綸俱著在軍機處行走

十二月 日

旨裘曰修不必在軍機處行走

二十五年二月二十七日

旨富德著在軍機處行走

謹按富德時由金川軍營凱旋補理藩院尙書

八月二十八日

旨戶部侍郎于敏中著在軍機處行走

二十八年正月十四日

旨阿桂著在軍機處行走

三十三年二月 日

命兵部尙書福隆安在軍機處行走

三十五年閏五月初九日

樞垣記畧

卷二

五

諭現在軍機處行走之滿洲大臣人少因思溫福前在軍機章京上行走有年尙爲熟練曉事著傳諭溫福奉到諭旨卽馳驛速行來京

謹按溫福時爲福建巡撫

十五日

旨溫福著來京補授吏部侍郎在軍機處行走

謹按溫福是年卽授理藩院尙書署工部尙書踰年以

副將軍統兵勦金川

八月十三日

旨署兵部尙書豐盛額著在軍機處學習行走

三十六年四月初五日

旨戶部侍郎桂林著在軍機處學習行走

九月十三日

命侍郎慶桂在軍機處行走

謹按慶桂時爲理藩院侍郎

三十七年五月 日

命侍郎福康安在軍機處學習行走

三十八年四月二十三日

樞垣記畧

卷二

六

旨署禮部侍郎索琳著在軍機處學習行走

謹按是月二十二日先經奉

旨索琳著銷去副都統銜加恩授爲內閣學士革職留任

八年無過淮其開復所有禮部侍郎員缺仍著索琳暫

行署理續經本處片奏查索琳奉

旨令其在軍機處行走向來內閣學士俱係在司員上行

走索琳現奉

旨仍署禮部侍郎是以臣等於

諭旨內止寫署禮部侍郎合併聲明

九月二十日

旨刑部侍郎袁守侗著在軍機大臣上學習行走

十一月十七日

旨梁國治著來京在軍機處行走

十八日

諭梁國治昨已有旨令其來京在軍機處行走其員缺已令巴延三調補仍署理山西巡撫並將敦福調補湖南布政使就近護理撫篆矣軍機漢大臣現在祇有于敏中一人而應辦之事甚多著傳諭梁國治於奉到此旨後速卽起程馳驛來京務於歲內趕到將此由五百里傳諭知之

三十九年七月二十四日

旨左都御史阿思哈著在軍機處行走

四十年三月 日

命戶部侍郎和珅在軍機大臣上行走

四十一年四月初十日

旨協辦大學士尙書公阿桂著仍在軍機處行走

謹按是年金川全境蕩平阿桂奏凱回京 封頭等誠
謀英勇公授吏部尙書協辦大學士

樞垣記畧

卷二

七

四十四年十二月初四日

旨戶部侍郎董誥著在軍機處行走

四十五年正月二十七日

旨福長安著在軍機處學習行走

謹按福長安時爲總管內務府大臣逾月授戶部侍郎

四十八年五月十九日

旨署工部尙書福康安著在軍機處行走

四十九年五月初三日

旨工部尙書慶桂著在軍機處行走

樞垣記畧

卷二

八

謹按慶桂時由福州將軍內擢工部尙書

五十一年十二月十三日

旨尙書王杰著在軍機處行走

五十四年六月十六日

旨兵部尙書孫士毅著在軍機處行走

謹按孫士毅時由兩廣總督撤任來京旋授兵部尙書

是年冬復出爲四川總督

五十八年四月 日

命侍郎松筠在軍機處行走

謹按松筠時爲戶部侍郎

六十年九月十四日

旨白布著在軍機處學習行走

謹按白布時爲內閣學士卽於是年擢工部侍郎

嘉慶元年十月初七日

諭董誥在軍機處行走有年著加恩補授大學士王杰因患腿疾久未入直現在軍機處漢大臣只有董誥一人著左都御史沈初在軍機處學習行走

二年閏六月二十四日

樞垣記畧

卷二

九

諭大學士王杰因腿疾不能入直著不必在軍機處行走卽回京供職漢軍機大臣祇有沈初一人外廷漢大臣內年老者多卽有尙能辦事之人於機務究未諳悉吳熊光戴衢亨在軍機章京上行走有年自爲熟習念其職分較小著加恩各賞三品卿銜照松筠白布之例隨同軍機大臣學習行走兵部右侍郎傅森亦著一體學習行走庶可漸資造就

三年二月二十一日

旨內閣學士那彥成係翰林出身人尙明白且係原任大

學士阿桂之孫著在軍機處學習行走傅森著仍回戶部辦事

四年正月初八日

旨成親王永理原任大學士署刑部尙書董誥兵部尙書慶桂俱著在軍機處行走戶部侍郎那彥成戴衢亨仍留軍機處行走沈初年老不必在軍機處行走

十月二十二日

諭本朝自設立軍機處以來向無諸王在軍機處行走者正月初間因軍機處事務較繁是以暫令成親王永理入樞垣記畧

卷二

十

直辦事但究與國家定制未符成親王永理著不必在軍機處行走現在軍機大臣人少傅森著仍在軍機處行走謹按傅森時爲兵部尙書

六年二月二十七日

旨刑部尙書成德著在軍機處學習行走

七年六月十五日

旨軍機大臣現在人少吏部尙書劉權之刑部尙書德瑛俱著在軍機處學習行走

九年六月十一日

諭軍機處承旨書諭問於大學士及尙書侍郎等官慎選行走誠以絲綸出納必有總匯之區不能分隸各部亦斷無更番輪值之理但六曹事務殷繁軍機大臣中偶值此一部無人適有垂詢交辦等事該大臣非其專管未能熟悉必俟該部值日召對轉覺遲緩自應職備六官方足以資經理而在內行走之各衙門司員亦得本堂官核其勤惰軍機大臣德瑛自行行走以來人甚慎密清文最爲通曉辦事亦極認真本日已降旨調補吏部尙書該部職掌銓衡事務繁重軍機大臣慶桂係兼管吏部較之德瑛倍覺

樞垣記畧

卷二

十一

老練若仍留德瑛在軍機處行走部中卽少一專辦之人而軍機處轉多一吏部堂官德瑛著不必在軍機處行走卽赴本衙門辦事現在軍機大臣戶禮二部無人禮部尙書那彥成著仍在軍機處行走戶部侍郎英和年力富強人有出息著在軍機處學習行走

十年六月二十九日

旨劉權之英和俱不必在軍機處行走

閏六月初一日

旨托津著調補吏部左侍郎並著在軍機處學習行走

十三年閏五月初一日

旨英和著暫在軍機大臣上學習行走俟戴衢亨托津到京後仍回南書房行走

十六年四月初一日

諭方維甸自回籍以後承歡侍奉伊母自己日就康健現在大學士戴衢亨因在臺懷偶患時症不意爲醫藥所誤遽於昨日溘逝朕心悼惜此時軍機漢大臣人少樞務至重朕於中外諸大臣遍加遴選惟方維甸性情公直在軍機章京上年久熟諳事務人地相宜今特簡爲軍機大臣

樞垣記畧

卷二

十一

將來補放尙書用資倚畀

二十六日

諭前因軍機大臣乏人朕念方維甸熟習機務是以降旨召伊來京茲據奏伊母近日精神恍惚難以力疾遠行情詞懇切朕聞之甚爲憐憫現在天氣漸熱方維甸母子不能暫離若令其母長途跋涉朕心殊爲不忍方維甸著不必來京

七月初二日

旨盧蔭溥著以光祿寺少卿加四品銜在軍機大臣上學

習行走

十七年九月二十五日

旨松筠前於戶部侍郎任內蒙

皇考高宗純皇帝簡任在軍機大臣上行走旋駐劄西藏多年嘉慶四年後經朕授爲伊犁將軍復歷任陝甘兩江兩廣總督居官清正心地忠誠內擢吏部尙書協辦大學士松筠著仍在軍機處大臣上行走

又

旨大學士慶桂前蒙

樞垣記畧

卷二

三

皇考高宗純皇帝簡用在軍機大臣上行走朕親政以來復令入直內廷十有餘年夙夜在公奉職勤慎今年近八旬步履遲鈍每日趨直樞廷朝入暮歸高年精力殊非所宜慶桂著不必在軍機大臣上行走輪班赴內閣閱本十八年十月二十一日

旨托津現在出差勒保患病亦尙未全愈軍機處滿洲大臣之人桂芳著暫在軍機大臣上學習行走承寫清字諭旨俟勒保病痊托津差竣伊二人內有一人入直桂芳卽無庸在軍機處行走

二十一年十月二十四日

旨協辦大學士禮部尙書章煦著在軍機大臣上行走

二十三年二月初四日

旨協辦大學士尙書戴均元尙書和甯著在軍機大臣上學習行走

二十四年正月二十四日

旨兵部尙書和甯年近八旬耳雖重聽而精神素健辦事亦有識見著調補刑部尙書卽令常川到署專心任事無庸在軍機大臣上行走文孚著在軍機大臣上學習行走

樞垣記畧

卷二

五

二十五年九月初七日

旨大學士曹振鏞尙書英和黃鉞均著在軍機大臣上行走

道光元年十月初十日

旨松筠著在軍機大臣上行走

謹按松筠時爲左都御史

樞垣記畧卷之三

誥授中憲大夫分巡江南淮海河務兵備道前軍機章京臣梁章鉅

除授二軍機章京

雍正十一年五月初三日

旨編修張若靄庶吉士鄂容安鄂倫著在辦理軍機處行走

乾隆九年二月二十九日本臣奏軍機處檔案關係緊要且有查例議覆等事俱須諳練之員指授料理原任江南廬鳳道畢詛前於給事中任內在總理事務處行走二年

樞垣記畧

卷三

該員爲人謹飭文理簡明後因外轉廬鳳道失察家人犯賊部議降四級調用現在候補通判可否仰懇

聖恩賞以主事銜食俸令在軍機處行走專辦檔案俾臣

等得收臂指之益謹奏奉

旨依議

十四年三月十二日

諭據大學士公傅恒奏稱胡寶琮辦事甚屬諳練順天府尹衙門事務尙簡請仍留軍機處辦事等語胡寶琮著仍兼軍機處行走

又

諭胡寶琮現在軍機處行走順天府尹事務難以兼理著
兵部侍郎蔣炳兼管

二十三年三月二十五日

諭蔣炳著寬宥來京在軍機司員上効力行走遇有員外
郎缺出補用

謹按蔣炳於河南巡撫任內緣事遣戍釋回

二十八年四月十六日本處奏軍機處行走戶部郎中馮
光能於本年正月內丁憂現在已滿百日該員在軍機處
樞垣記畧

卷三

二

行走數年辦事尙屬留心今守制閒居_臣等公全商酌與
其另選新人不如仍留熟手可否令該員在軍機處及本
部額外郎中上行走俟服闋時照例再行補缺至該員係
例應丁憂人員今在額外行走除公費飯銀照例給與外
毋庸支給半俸謹奏奉

旨知道了

五月十九日本處奏順天府丞申甫陞授光祿寺卿查光
祿寺衙門事務稍簡據申甫感激

天恩情願仍在軍機處行走_臣等看得申甫辦事日久尙

爲熟練謹請

旨准其仍在軍機處行走奉

旨知道了

二十九年五月十三日

旨博崑仍著在軍機處行走

十二月初二日本處奏原任吏部文選司郎中章寶傳前因議奏方略館謄錄補缺一案部議降二級調任現候補正六品主事查該員在軍機處行走十餘年尙爲熟諳現在年力方壯正可及時驅策懇將章寶傳以候補主事仍

樞垣記畧

卷三

三

在軍機處行走以觀後效謹奏奉

旨知道了

三十三年 月 日

旨程燾以京堂用仍在軍機處司員上行走

謹按程燾時以江西布政使奉

旨來京

三十四年六月十九日

旨原任廣西按察使袁守侗著留京以三品京堂用仍在軍機處司員上行走

八月初二日

旨程燾著補授太僕寺少卿仍在軍機處司員上行走

三十五年三月初四日本處奏查汪承需原在軍機司員上行走後因

欽派坐糧廳前往通州辦事今差竣籤掣知府呈請親老改補近地尙未得缺今據該員呈稱未得缺之前情愿仍在軍機處行走該員係已離軍機處候補知府之員可否准其仍前行走理合請

旨奉

樞垣記畧

卷三

四

旨准其行走

謹按汪承需已籤陞邵武府知府由軍機大臣轉奉旨加恩以戶部郎中用

五月初六日本處奏查從前胡寶琮傅顯陞授副都御史後仍在軍機處司員上行走今劉秉恬陞授副都御史應仍令其在軍機司員上行走理合奏明奉

旨著仍在軍機處行走

三十六年三月初二日

旨索琳著署理內閣學士在軍機章京上行走

十七日

旨博清額著降補內閣學士在軍機司員上行走

謹按博清額係由刑部侍郎降補

四月初九日

旨福德著留京仍以內閣學士在軍機司員上行走

謹按福德係由盛京侍郎降補

三十七年八月二十九日

旨汪承霈從寬免罪給還郎中革職留任仍在軍機章京

上行走

樞垣記畧

卷三

五

三十八年閏三月初三日

旨候補員外郎馮應榴著以工部用仍在軍機司員上行走

九月十一日

諭永保已加恩准襲伊父溫福輕車都尉世職其本任內

閣侍讀不必開缺仍著在軍機司員上行走

十月 日

旨博清額辦事不及阿桂其攻剿亦不及海蘭察不必在軍營領隊卽著回京仍在軍機章京上行走

三十九年五月初八日

諭阿思哈著在軍機章京上行走

謹按阿思哈由雲貴總督出戍伊犁是年回京奉

旨復充章京踰月

授總憲復在大臣上行走

七月二十四日

旨劉秉燾著降補主事逐出軍機處

同日

旨王慶長著革去中書逐出軍機處

樞垣記畧

卷三

六

四十年二月十六日

旨惠齡著加恩以主事用仍在軍機章京上行走

二十日

諭郎中孫士毅著留京以四五品京堂用遇缺卽補仍在

軍機處司員上行走

四十一年五月初五日

諭鴻臚寺卿王昶仍在軍機司員上行走

二十六日

諭福德著授爲額外內閣學士仍在軍機司員上行走

四十五年四月十三日

諭孫永清已授爲都察院副都御史仍著兼軍機章京上行走

七月 日

旨馮應榴補授通政司叅議仍兼軍機處吏部行走

四十六年十月二十四日

旨翰林院修撰戴衢亨著在軍機章京上行走

四十九年五月初八日

諭恒甯著來京以吏部郎中用仍在軍機章京上行走

樞垣記畧

卷三

七

五十四年十月十五日本處奏前在軍機處行走中書籤
陞廣東廣州府同知沈琨未經領憑赴任旋即丁憂回籍
今服闋來京因不諳外任情愿註銷同知仍候補中書查
該員前在軍機處行走六年尙爲勤慎今情愿註銷同知
仍補中書係屬以大改小可否准將該員接算前俸仍以
中書補用伏候

欽定謹奏奉

旨知道了

嘉慶四年二月十一日

旨長齡鄂靈多容安德克津布明舒德克精阿齊嘉紹姚
文田傅淦趙佩湘胡枚吳光悅顏允璣蔡炯茅豫俱著充
補軍機章京富綿伊興阿瑞麟伊誠額金齊香阿吉祥武
爾通阿錫齡興科昌宜泰覺羅景祿任烜何元煊糜奇瑜
熊方受盧蔭溥張志緒黃躍之汪玉林楊懋恬俱著記名
俟有缺出揆次補用

謹按此次汪玉林一名未經行走

五年二月二十四日

旨何金姚祖同盛惇大葉繼雯袁煦貴徵萬雲吳應咸龔

樞垣記畧

卷三

八

麗正蔣繼輝康紹鏞汪彥博張之屏俱著記名以軍機章
京補用遇有缺出揆次充補

謹按是年正月三十日本處奏上年正月退出軍機之

內閣中書何金姚祖同經_臣等奏請俟下次保送軍機

章京將該一員一併帶領引

見奉

旨原在軍機處行走之內閣中書何金姚祖同俟下次保

送軍機章京時帶領引見 又按此次貴徵蔣繼輝二

名俱未經行走

七月二十六日

諭襄行簡已補授太僕寺少卿著仍在軍機章京上行走
六年十一月二十一日

旨明安泰祥臨穆馨阿聯奎保英吉朗阿重倫花連布榮
昌德蔭瑞麟伊博格圖俱著記名

謹按此次保英榮昌德蔭瑞麟四名俱未經行走

七年正月二十七日

諭郎中錢楷向在軍機處行走今學政任滿回京仍著在
軍機章京上行走

樞垣記畧

卷三

九

九年四月十六日

諭本日御門已將玉甯補授大理寺少卿職分較大無庸
在軍機章京上行走

十年十月二十九日

旨童槐梁承福王厚慶王鳳翰李芳梅戴聰余霽元陳鍾
麟牛坤程同文聶鏡敏趙盛奎楊振麟朱淶秦繩曾陸蔭
吳書城張光勳張允垂吳頤俱著記名以軍機章京用俟
有缺出挨次充補

謹按此次李芳梅戴聰牛坤朱淶張光勳五名俱未經

行走

十二年七月十一日

旨禮部主事覺羅克星額內閣中書松長兵部筆帖式珠滿內閣中書誠端戶部筆帖式覺羅成貴內閣學習中書玉彰內閣學習中書續齡禮部筆帖式蘇誠額俱著記名以軍機章京挨次補用

謹按此次松長續齡蘇誠額三名未經行走

十四年四月二十日

旨札清阿企善昌熾誠安成麟那丹珠祥惠札勒杭阿容樞垣記畧

卷三

十

海敏慧著記名以軍機章京用

謹按此次祥惠敏慧二名俱未經行走

十六年正月二十五日奏查原在軍機章京上行走之宗人府主事葉繼雯前充會典館總纂兼提調事現在起服到京該員學問素優當差勤慎實爲向來得力之員現在趕辦會典並畫一諸務亟須熟手臣等公全商酌擬先令在館幫辦總纂兼提調事務仍令在軍機處額外行走惟向例部員到京均須由本衙門奏留方能題缺宗人府主事從無奏留之例該員既無原衙門可歸而宗人府主事

一缺非 京察調部不能出缺上屆 京察時適該員丁憂同籍未預保題今需次無期可否仰懇

聖恩將該員掣歸_臣等所管缺分較多之戶刑二部作爲額外主事遇有缺出奏請補用則該員有衙門可歸補缺不至無期當差辦書自必倍加奮勉_臣等亦得收指臂之益謹奏奉

旨依議

十七年四月二十一日

旨岳齡安廷勳安誠桂凝瑞慶桂芬阿成福兆達興布延樞垣記畧

卷三

十一

柏勒格福昇阿呢克通阿俱著記名以軍機章京用

謹按此次呢克通阿一名未經行走

十八年七月十五日

旨韓文顯孫蘭枝徐鏞吳孝銘蘇兆登何增元聞人熙趙光祿沈學廉李昌平程裔采徐受荃路德吳榮光俱著記名以軍機章京補用俟有缺出挨次充補

謹按本處奏中書韓文顯孫蘭枝二員上屆保送軍機

引

見未經

記名十七年十二月內因覆校

實錄詳慎出力經大學士慶桂等保奏請列於考取新班
各員之前一體帶領引

見理合附奏

二十一年九月二十八日

旨梁章鉅錢廷熊陳彬許乃普李彥章喬用遷鄒錫淳余
文銓胡方朔王啓文陳孝寬蔣泰階俱著記名以軍機章
京補用

謹按此次鄒錫淳一名未經行走

樞垣記畧

卷三

三

十月 日

命強逢泰在軍機章京上行走

二十三年六月初五日奉

旨阿達順車旺多爾濟烏爾恭額德舒福甯阿蘇勒芳阿
伊甯阿三龍泰鄂順安福克薩音博勒格俱著記名以軍
機章京用

二十五年二月十二日奏查軍機章京理藩院員外郎昌

熾昨蒙

簡放西甯道出有章京一缺一時接辦之員實乏熟手查

有原任湖北荆宜施道丁憂回旗現在理藩院員外郎上行走之多容安前充軍機章京繕寫清字

諭旨頗爲熟悉人亦謹慎合無仰懇

聖恩仍令多容安充補軍機章京俾資熟于謹奏奉

旨知道了

道光元年八月二十五日

旨馬光瀾俞誦芬傅繩勳蔡勳周濤趙榮汪元爵徐堪朱遠吉張祥河龍汝言徐思荃葉敏昌俱著記名以軍機章

京補用

樞垣記畧

卷三

三

樞垣記畧卷之三

樞垣記略卷之四

諳授中憲大夫分巡江南淮海河務兵備導單機章京臣梁章鉅

恩敘一

乾隆二年十二月二十九日莊親王允祿等奏臣等因總

理事務荷蒙

天恩交部議敘查總理事務差委辦事之侍郎納延泰班第學士索柱並辦事官員等多係從前在辦理軍機處行走之員復在總理處効力行走俱各小心謹慎勉辦公並無過失應請一併交部議敘謹將各員行走年分繕寫

樞垣記畧

卷四

清單伏候

欽定奉

旨著交部一併議敘

內閣侍讀學士覺羅雅爾哈善行走七年

監察御史舒赫德行走八年

郎中兆惠行走七年

郎中阿思哈行走七年

主事明善行走七年

主事積蘭泰行走七年

主事傅亮

行走六年

中書蘇崇阿

行走三年

効力中書靈保

行走一年

筆帖式達素

行走五年

筆帖式碩善

行走一年

以上滿官十一員

太常寺少卿提督四譯館蔣炳

行走七年

內閣侍讀柴潮生

行走六年

起居注主事馬燮

行走二年

樞垣記畧

卷四

中書何璘

行走三年

中書潘中立

行走二年

中書涂逢震

行走一年

中書孫紹基

行走一年

以上漢官七員

十三年十二月初十日日本處奏奉

旨軍機處行走官員頗為黽勉令臣等酌量擬賞荷包其

出差在外者一體賞給卽令臣舒赫德帶往欽此臣等謹

將各該員分別等次酌量擬賞開單進呈

御覽

順天府府丞胡寶瓌

吏部郎中德舒

以上二員現隨經略大學士出差擬各賞大荷包

一對小荷包六個

內閣侍讀三寶

現隨舒赫德出差

理藩院員外郎富德

現隨汪札爾出差

以上二員擬各賞大荷包一對小荷包五個

兵部主事常亮

樞垣記畧

卷四

三

內閣中書傅顯

沈作朋 程燾

以上四員現隨經略大學士出差但官職較胡寶瓌

等稍卑擬各賞大荷包一對小荷包四個

戶科給事中馬燦

內閣侍讀鄂寶

兵部主事安福

戶部司庫圖桑阿

以上一等四員擬各賞大荷包一對小荷包四個

內閣侍讀袁芳松

主事畢誼

內閣中書靈毓 胡廷樞 楊承曾 睦朝棟 毛永

燮

以上二等七員擬各 賞大荷包一對小荷包二個

內閣侍讀富察善

吏部主事雅河圖

工部主事九格

內閣中書官登 巴延三 景宣 陳朝礎 莊培因

曹錫寶

樞垣記畧 卷四

兵部筆帖式薩璧

以上三等十員擬各 賞大荷包一對

十五日

旨經略大學士途次籌辦各事懋著勤勞其隨行辦事之順天府府丞胡寶琮吏部郎中德舒俱能黽勉効力著交部一併議敘

十四年二月十六日

諭辦理金川軍務以來軍機處行走官員甚為黽勉供職著分別等次交部議敘其隨經略大學士忠勇公傅恒辦

事未經議敘之沈作朋常亮富顯程燾並隨尚書舒赫德
之三寶一併交部議敘

順天府府丞馬燦

兵部員外郎安福

內閣侍讀鄂寶

戶部銀庫圖桑阿

內閣中書靈毓 楊承曾 賅朝棟 毛永燮

以上一等

內閣侍讀富察善 袁芳松

樞垣記畧

卷四

五

工部主事九格

主事畢誼

內閣中書官登 景宣 胡廷樞 巴延三 莊培因

曹錫寶

兵部筆帖式薩璧

以上二等

三月初八日

旨十二日筵宴隨班之軍機處官員及在京辦理軍機處
行走官員俱著入宴

七月二十一日

諭尙書汪由敦在內廷軍機處行走屢次扈蹕尙能勤慎
黽勉所有從前革職各案著加恩開復

十七年十二月初七日本處奏看得軍機處行走中書程

燾前隨_臣傅恒往金川又隨_臣舒赫德赴滇黔閱視營伍

該員辦事勤敏頗能黽勉出力中書孔繼汾行走勤慎材
堪造就懇將程燾

賞給_臣來保等兵部孔繼汾

賞給_臣傅恒等戶部令其在額外主事上學習行走遇有

樞垣記畧

卷四

六

缺出酌量題補奉

旨知道了

二十六日本處奏看得現在軍機處行走內閣侍讀靈毓
輔德辦事勤慎人俱明白於繁劇之區必能勝任懇將二
員暫令食侍讀俸在_臣戶部學習行走遇有郎中員外郎
缺出酌量題補奉

旨知道了

二十三年十月二十二日本處奏看得軍機處行走之宗
人府主事章寶傳辦事妥慎中書馮光熊顧雲王日杏行

走勤慎該員行走各已五六年隨 圍出差俱極黽勉懇
將章寶傳顧雲

賞給吏部馮光熊王日杏

賞給戶部其王事章寶傳令在額外員外郎上行走中書
馮光熊等令在額外主事上行走遇有缺出酌量請

旨補授奉

旨依議

二十四年十月二十四日

諭軍營在事諸臣昨已加恩優敘至同朕辦理軍務者惟

樞垣記畧

卷四

七

大學士公傅恒與朕一心日夜不懈前因伊犁平定賜加
雙公會涕泣固辭今伊子福靈安尙非披堅執銳之歲而
卽能奮勇行陣屢著勤勞實愜朕望著賞給福靈安一等
侍衛以著酬庸之典大學士來保年近八十行走不懈及
諸軍機大臣官員日夜隨侍候報抄錄一切均著勤勞大
學士傅恒來保及軍機大臣並軍機處行走官員著交部
一併議敘

二十七年十二月初六日本處奏看得現在軍機處之中
書薩靈阿陸耀劉秉恬張霽王昶緞匹庫大使塞爾布各

已行走四五年不等俱屬勤慎黽勉尙堪造就可否懇將薩靈阿等六員

賞給^臣等吏兵二部各一員戶刑二部各二員令其在額外主事上行走兼辦部務遇有缺出奏請補授奉

旨依議

三十五年三月初六日本處奏查軍機處行走之內閣侍讀孫士毅戶部額外主事惠齡前經^臣傅恒帶往軍營辦事甚屬出力孫士毅現在俸深卽應陞郎中懇

恩准在戶部郎中上行行走遇有缺出卽行補用惠齡係應

樞垣記畧

卷四

八

補蒙古主事之員但戶部蒙古主事止有一缺補用甚難該員先後在部行走已閱十年尙未得缺現在出有蒙古員外郎一缺可否卽將惠齡陞補謹奏奉

旨孫士毅著在戶部郎中上行行走遇缺卽補惠齡著補授戶部蒙古員外郎

十二日泰倭庄途次軍機大臣面奉

諭旨軍機處行走章京准其帶用大紅帽罩

三十七年十二月二十六日

諭批本奏事軍機處章京及凡內廷行走之員一體穿用

貂褂

三十八年五月初一日

旨四庫全書處總纂官軍機處郎中陸錫熊著照懋勤殿翰林節賞年賞之例賞給一分

六月 日

諭博清額以派往審事之人卽同富勒渾帶兵馳守蒙古橋旋往美諾與海蘭察督兵聲援連日海蘭察奏到諸摺俱有條理必係博清額爲軍機章京辦事年久熟習機宜故能周到若此著賞戴孔雀翎

樞垣記畧

卷四

九

謹按博清額時赴四川軍營鞠案旋授領隊大臣

七月初一日

諭御史金雲槐因巡漕事竣前來熱河復命見其人尙明白曾在軍機處行走御史無需辦之事著馳驛前往四川交與富勒渾文綬酌量以道府用令其辦理軍需事務

三十九年五月初二日奏查軍機處行走之候補員外郎馮應榴因前在四川學政任內率據州詳咨請開復革生一案部議降調捐復原官上年三月奉

旨著仍在軍機司員上行走以工部員外郎補用該員明

白勤慎迄今尙未補缺茲出有吏部員外郎尹壯圖陞任
一缺仰懇

聖恩卽以馮應榴調補令在考功司辦理綜核功過事務
再查有候補員外郎蘇楞泰前在伊犁先後十有餘年辦
理同知事務實心奮勉前因同知年滿引

見以六部員外郎用經_臣等令其在軍機司員上行走並
懇

恩將蘇楞泰賞給刑部在員外郎上學習行走遇有缺出
卽行題補奉

樞垣記畧

卷四

十

旨知道了

十月十五日奏軍機處行走之中書史夢琦經_臣等奏請
陞用兵部額外主事所遺中書員缺查有候補中書汪日
章行走勤慎現在尙未得缺可否卽將該員補授之處出
自

天恩奉

旨知道了

十二月二十七日奏銀庫員外郎保成將屆年滿查有軍
機處行走吏部文選司郎中永保人去得辦事勤慎實係

司員中得力之人合無仰懇

天恩准其接管銀庫員外郎於公務實爲有益奉

旨知道了

四十年五月十八日奏內閣現在共出三缺查有候補中書龔禔身在軍機處行走三年奮勉勤慎尙未得缺可否于此三缺內

賞補一缺以示鼓勵謹奏奉

旨著帶領引見

四十一年 月 日

樞垣記畧

卷四

七

諭阿桂等奏官兵已將金川全境掃平深爲欣慰大學士于敏中自辦理軍務以來承旨書諭夙夜殫心且能鉅細無遺較衆尤爲勞動著賞給一等輕車都尉以示格外恩

五月初五日

諭吏部郎中王昶在軍營出力年久頗著勤勞著加恩陞授鴻臚寺卿並賞戴花翎仍在軍機處司員上行走

六月初十日日本處奏查乾隆三十九年九月臣舒赫德赴山東剿捕賊匪有軍機處行走之中書沈啓震因丁憂回

籍舟滯德州情願隨_臣効力_臣因是時隨帶司員無多公
事繁冗不敷辦理沈啓震向在軍機處行走素爲熟諳因
留其同至臨清幫辦一切頗爲出力當經將隨帶緣由具
奏奉

硃批俟其服滿時提奏今該員服闋來京候補謹遵

旨提奏奉

旨應陞處陞用

十月二十六日本處奏軍機處中書沈啓震應於本月籤
陞河南南陽府同知據該員稟稱情愿在京供職等語該
樞垣記畧

卷四

七

員辦事勤慎行走有年甚爲出力查同知與主事同係中
書應陞之缺_臣舒赫德現管刑部可否將該員以刑部主
事用遇缺卽補之處出自

天恩奉

旨知道了

二十八日又奏中書沈啓震所遺員缺查有候補中書吳
熊光行走勤慎可否卽將該員補授出自

天恩謹奏奉

旨知道了

四十二年六月初三日奏查從前軍機處行走之中書等
官曾於乾隆十七年二十三年二十七年節次奏請陞用
主事以示鼓勵在案迄今已閱十餘載臣等看得現在行
走之中書伊江阿劉謹之陸瑗筆帖式齊克慎各已行走
五六年俱屬勤慎奮勉可否照前三次之例將伊江阿等
賞給臣等所管各部令其先在額外主事上行行走遇有缺
出奏請補授至所遺漢中書缺現有候補中書程維岳馮
培二員俱在軍機處行走三年亦屬勤慎可否卽將該員
等頂補中書實缺之處出自

樞垣記畧

卷四

三

天恩奉

旨知道了

四十三年三月二十日奏軍機處行走中書施光輅選得
江西袁州府同知所遺中書員缺查有候補中書杜兆基
在軍機處行走已及四年辦事勤慎可否卽將該員補授
之處出自

天恩奉

旨知道了

五月二十日奏現在出有中書四缺查候補中書關槐在

軍機處行走勤慎奮勉可否於此四缺內
賞補一缺以示鼓勵之處出自

天恩奉

旨知道了

四十四年十月二十四日奏軍機處行走內閣侍讀孫永
清論俸推陞應於本月籤掣刑部陝西司郎中缺查該員
行走已及十年屢次出差及派審案件均屬明敏諳練爲
軍機得力之員今推陞刑部郎中該衙門案件繁多不能
專辦本處事務請將該員以郎中陞銜暫留內閣侍讀之
樞垣記畧

卷四

十四

任俾得專心仍辦軍機處之事臣等多一熟練之員於公
務亦有裨益奉

旨知道了



